



28 November 2012
28 November 2012
P.U. (A) 421

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH CUKAI PENDAPATAN (PENGECCUALIAN) (NO. 8) 2012

INCOME TAX (EXEMPTION) (NO. 8) ORDER 2012



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA CUKAI PENDAPATAN 1967
PERINTAH CUKAI PENDAPATAN (PENGECUALIAN) (NO. 8) 2012

PADA menjalankan kuasa yang diberikan oleh perenggan 127(3)(b) Akta Cukai Pendapatan 1967 [*Akta 53*], Menteri membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Cukai Pendapatan (Pengecualian) (No. 8) 2012**.

(2) Perintah ini disifatkan telah mula berkuat kuasa pada 8 Oktober 2011 dan hendaklah berkuat kuasa tertakluk kepada perenggan 3.

Tafsiran

2. Dalam Perintah ini—

“Lembaga Pembangunan Pelaburan Malaysia” ertinya suatu pertubuhan perbadanan yang ditubuhkan di bawah Akta Lembaga Pembangunan Pelaburan Malaysia (Pemerbadanan) 1965 (Disemak – 1989) [*Akta 397*];

“orang yang layak” ertinya—

(a) suatu pertubuhan yang ditubuhkan di bawah Akta Pertubuhan 1966 [*Akta 335*] sebelum 8 Oktober 2011 atau suatu syarikat yang diperbadankan di bawah Akta Syarikat 1965 [*Akta 125*];

(b) bermastautin di Malaysia;

(c) berdaftar dengan Kementerian Pelajaran Malaysia dan telah mematuhi terma dan peraturan yang ditentukan oleh Menteri di bawah Akta Pendidikan 1996 untuk menjalankan perniagaan sekolah swasta atau sekolah antarabangsa pada atau selepas 8 Oktober 2011; dan

(d) diluluskan oleh Menteri.

“pendidikan pra-sekolah” mempunyai erti yang diberikan kepadanya dalam Akta Pendidikan 1996 [*Akta 550*];

“sekolah antarabangsa” ertinya suatu sekolah yang bukan sekolah kerajaan yang menyediakan pendidikan pra-sekolah hingga program A-Level tetapi tidak termasuk sekolah yang menyediakan pendidikan pra-sekolah semata-mata;

“sekolah swasta” ertinya suatu sekolah yang bukan sekolah kerajaan yang menyediakan—

- (a) pendidikan swasta peringkat rendah atau menengah atau keduanya, yang mematuhi keperluan Kurikulum Kebangsaan dan peperiksaan yang ditetapkan di bawah Akta Pendidikan 1996 bersama dengan penyediaan pendidikan pra-sekolah swasta dalamnya, jika ada;
- (b) pendidikan agama swasta peringkat rendah atau menengah atau keduanya, yang mematuhi keperluan Kurikulum Kebangsaan yang ditetapkan di bawah Akta Pendidikan 1996 bersama dengan penyediaan pendidikan pra-sekolah swasta dalamnya, jika ada; atau
- (c) pendidikan cina swasta peringkat rendah atau menengah atau keduanya, bersama dengan penyediaan pendidikan pra-sekolah swasta dalamnya, jika ada, yang mematuhi garis panduan yang dikeluarkan oleh Kementerian Pelajaran,

tetapi tidak termasuk sekolah yang menyediakan pendidikan pra-sekolah semata-mata.

Pemakaian

3. Perintah ini hendaklah terpakai bagi orang yang layak—

- (a) yang telah membuat permohonan kepada Lembaga Pembangunan Pelaburan Malaysia pada atau selepas 8 Oktober 2011 tetapi tidak lewat daripada 31 Disember 2015; dan
- (b) yang belum memulakan perniagaan sekolah swasta atau sekolah antarabangsa sebelum permohonan yang yang disebut dalam subperenggan (a).

Pengecualian

4. (1) Menteri mengecualikan orang yang layak daripada pembayaran cukai pendapatan dalam tempoh asas bagi suatu tahun taksiran berkenaan dengan pendapatan berkanun yang diperolehi daripada suatu perniagaan sekolah swasta atau sekolah antarabangsa di Malaysia.

(2) Pendapatan berkanun yang disebut dalam subperenggan (1) hendaklah dikecualikan bagi suatu tempoh selama lima tahun (selepas ini disebut sebagai “tempoh pengecualian”) bermula dari suatu tarikh yang ditentukan oleh Lembaga Pembangunan Pelaburan Malaysia dan dikira mengikut cara yang ditetapkan di bawah perenggan 5.

(3) Pengecualian cukai atas pendapatan berkanun perniagaan diluluskan yang disebut dalam subperenggan (1) adalah tertakluk kepada syarat sebagaimana yang dinyatakan oleh Menteri dalam surat kelulusan bagi perniagaan itu.

(4) Tiada apa-apa jua dalam subperenggan (1) boleh membebaskan atau disifatkan telah membebaskan orang yang layak itu daripada mematuhi apa-apa kehendak bagi mengemukakan apa-apa penyata atau penyata akaun atau memberikan apa-apa maklumat lain di bawah peruntukan Akta.

Pendapatan berkanun

5. (1) Pendapatan berkanun daripada perniagaan sekolah swasta atau sekolah antarabangsa di Malaysia dalam tempoh asas bagi suatu tahun taksiran semasa tempoh

pengecualian hendaklah ditentukan selepas memotong elaun-elaun yang boleh diberi mengikut Jadual 3 Akta meskipun tiada tuntutan bagi elaun-elaun itu yang telah dibuat:

Dengan syarat jika suatu aset digunakan bagi maksud perniagaan yang disebut dalam subperenggan (1) digunakan juga bagi maksud suatu perniagaan selain perniagaan itu, maka elaun yang boleh diberi di bawah Jadual 3 Akta hendaklah dikurangkan sebagaimana yang munasabah dengan mengambil kira setakat mana aset itu digunakan bagi maksud perniagaan yang pertama disebut.

(2) Amaun pendapatan berkanun perniagaan sekolah swasta atau sekolah antarabangsa di Malaysia yang dikecualikan dalam tempoh asas bagi suatu tahun taksiran itu semasa tempoh pengecualian hendaklah ditentukan mengikut cara yang berikut:

- (a) tujuh puluh peratus pendapatan berkanun; dan
- (b) amaun pendapatan berkanun yang disebut dalam subsubperenggan (2)(a) hendaklah dikurangkan oleh—
 - (i) pertama, kerugian larasan tahun semasa daripada suatu perniagaan atau perniagaan-perniagaan selain perniagaan sekolah swasta atau sekolah antarabangsa di Malaysia, mengikut mana-mana yang berkenaan; dan
 - (ii) seterusnya, apa-apa kerugian larasan tidak diserap atau kerugian larasan tahun semasa daripada perniagaan sekolah swasta atau sekolah antarabangsa di Malaysia yang dikecualikan di bawah Perintah ini, mengikut mana-mana yang berkenaan.

(3) Sebanyak mana kerugian larasan yang disebut dalam subsubsubperenggan (2)(b)(i) dan (ii) yang telah digunakan untuk mengurangkan pendapatan berkanun bagi perniagaan sekolah swasta atau sekolah antarabangsa